

從	平	平
征	定	
緬	羅	臺
甸	剎	紀
日	方	
記	略	略



平定羅刹方略

撰人不詳

中華書局

此據功順堂叢書
本排印初編各叢
書僅有此本

平定羅刹方略卷一

康熙二十一年八月庚寅遣副都統郎坦等偵探羅刹情形。羅刹者，鄂羅斯國人也。鄂羅斯僻處西北，絕域自古不通中國。其人皆獷悍貪鄙，冥頑無知，所屬有居界上者，與黑龍江諸處密邇。我達呼爾索倫之人，因呼之爲羅刹。每橫肆殺掠，納我通逃，爲邊境患。順治九年，駐防寧古塔章京海色率所部擊之，戰于烏拉村，稍失利。十二年，尙書都統明安達禮自京師往討，進抵呼瑪爾諸處，攻其城，頗有斬獲，旋以餉匱班師。十四年，鎮守寧古塔昂邦章京沙爾呼達敗之，尙堅烏黑。十五年，復敗之，松花庫爾潯兩江之間。十六年，沙爾呼達卒，其子巴海代，尋授將軍。十七年，巴海大敗之，古法壇村，然皆中道而返，未獲翦除。以故羅刹仍出沒不時。迨康熙十五年，鄂羅斯察漢汗遣使，尼果來等貢方物，上欲因此示柔遠之德，優賚來使，仍頒溫諭，令其歸我通逃，嚴禁羅刹毋擾邊境，許貿易通好。其後竟未奏覆，而羅刹自恃遠，反侵入精奇哩烏拉諸處，築室盤踞，上復命大理寺卿明愛等諭令撤還，猶遷延不去，而恃雅爾薩城爲巢穴。于其四近耕種漁獵，數擾索倫赫真斐雅喀奇勒爾居民，掠奪人口，俾不得寧處。上乃深爲籌度，謂若輩非創以兵威，則罔知懲畏。將至蔓延，遂決意征剿。先遣副都統郎坦、公朋春等率官兵往達呼爾索倫，聲言捕鹿，因以覘視羅刹情形。郎坦等將行，上面諭之曰：「鄂羅斯國所屬羅刹，犯我黑龍江一帶，侵擾廩人，戕害居民，前發兵進討，未獲翦除，歷年已久。近聞蔓延益甚，過鈕滿恆滾諸處，至赫真斐雅喀廩人住所，」

殺掠不已。爾等此行，除自京遣往參領侍衛護軍外，令畢力克圖等五台吉率科爾沁兵百人，寧古塔兵八十人，至達呼爾索倫一面遣人赴泥布楚，諭以捕鹿之故。一面詳視陸路近遠，詔黑龍江行圍，徑薄雅克薩城下，勘其居址形勢，度羅刹斷不敢出戰。若以食物來餽，其受而量答之。萬一出戰，止勿交鋒，但率衆引還。朕別有區畫。爾等還時，須詳視自黑龍江至額蘇哩，舟行水路，及已至額蘇哩，其路直通寧古塔者，更擇隨行之參領侍衛，同薩布素往覘之。諭畢，賜郎坦朋春御衣弓矢，隨行者亦量加賞賚。十二月戊子，命戶部尚書伊桑阿赴寧古塔督修戰艦。時鎮守寧古塔等處將軍巴海等，以寧古塔戰艦稍有損敗，請發物料，用資修整。工部議如所請。上諭修整戰艦，所關甚重，其令戶部尚書伊桑阿往董其事。

庚子，命將軍巴海等帥師往駐愛琿呼瑪爾。郎坦等以羅刹情形具奏。上諭議政王等曰：據郎坦等奏，攻取羅刹甚易，發兵三千足矣。朕意亦以爲然。第兵非善事，宜暫停攻取，調烏拉寧古塔兵一千五百，置造船艦，發紅夷炮鳥槍，及教之演習者，于愛琿呼瑪爾二處建立木城，與之對壘，相構舉行。所需軍糧，取諸科爾沁十旗錫伯烏拉之官屯，約得一萬二千石，可支三年。且我兵一至，卽行耕種，不致匱乏。愛琿城距索倫村落不遠，五宿可到。其間設一驛，俟我兵將至，精奇哩烏拉令索倫皆接濟牛羊，甚有裨益。如此則羅刹不得納我逋逃，而彼之逋逃者，且絡繹來歸，自不能久存矣。爾等其詳議以聞。議政王等奏言：羅刹據我邊界，納我逋逃，擾亂已久，宜卽行殄滅。皇上好生之心，聽其自斃，諭言允當，應一一遵行。又如郎坦等所請造船五十六艘，所調兵預爲派定，俟船成糧足，卽令起行。目前烏拉官屯乏糧，戶部理藩院各繕

官一員往錫伯瓜爾察地方採買統兵大臣恭候欽簡疏入上命鎮守寧古塔等處將軍巴海副都統薩布素統兵前往餘悉如議

康熙二十二年三月庚戌命造船運糧松花江上諭大學士覺羅勒德洪等曰饋運烏拉軍糧自遼河溯流運至等色屯隨用蒙古之力陸路運至伊屯門自伊屯門船載順流運至松花江甚善內府佐領下屯莊糧米充足需用幾何即以屯丁之力運至遼河津要船載趣運并備舂具椿木若逢淤淺束水以行糧米或于等色屯伊屯門伊屯口或于義河口築倉收貯船在邊內我兵衛送邊外蒙古兵衛送宜少載糧米多備挽夫俾船行輕利兩河中阻陸路酌派車載其船準河式置造辦糧需用若干爾等于戶工二部理藩院及郎坦親圖詳議至造伊屯門以北運船運至松花江及築倉收貯事宜應否交與留鎮烏拉副都統其并定議以聞勒德洪等議于巨流河渡口造船六十艘以長三丈寬一丈爲度每船載米百石用水手六名水手卽派民夫操演自起運日每人月給銀一兩運到米于巨流河渡口等色屯築倉收貯悉交與盛京將軍大臣等監理船在邊內酌派盛京官兵衛送自等色屯至伊屯門派蒙古車輛陸員運往所派蒙古官兵車輛理藩院另行請旨伊屯門諸地築倉貯米及造伊屯河運船運至松花江悉交與留鎮烏拉副都統議覆上以所議尙未周詳遂分遣內府營造司郎中佛保及戶部侍郎宜昌阿等以瀛台通州船載米試之復令盛京刑部侍郎噶爾圖等自巨流河至等色屯驗試遼河深淺寧古塔副都統瓦里虎等自伊屯口至伊屯門伊爾門河口驗視水勢等噶爾圖奏遼河可行三丈之船請以此式于巨流

河渡口造船六十艘。瓦里虎奏伊屯河可行三丈五尺之船。吉林地方伐木造船百艘。由伊屯河運米松花江。于伊屯門伊屯口築倉收貯。上允之。又諭前薩布素來奏。明年六月前兵食。伊等費行。餘悉存留。爾時曾諭以六月後所需。運黑龍江松花江交匯處。令其遞取。今應于烏拉造大船五十艘。或以薩布素等所留蒙古錫伯米。或以盛京所發米。計口運往烏拉。寧古塔兵皆貧乏。現在出兵者半任輸輓。復用餘兵。恐至困苦。烏拉席特庫所屬八家獵戶。停獵一年。令其輸輓。庶兵力稍紓。黑龍松花兩江交匯處。自吉林順流而往。薩布素等自彼駐兵之所順流而來。水路遠近相等。俟明春冰解卽運。兩江接界。令薩布素等量發官兵船艘前來迎取。

戊辰命給烏拉官兵行糧之車。將軍巴海等請給出征烏拉官兵及執事人行糧。戶部議官兵各交額糧一月。至每月行糧毋庸給發。疏入。上命給行糧之半。

四月丙子。遣理藩院尙書阿穆瑚琿等往烏拉。朱穆秦諸處。上諭議政王等奏。今我兵移駐黑龍江。當乘此發烏拉穆秦兵。聲言捕鹿以疑羅利。復遣大臣一員至索倫。預備軍需。亦聲言捕鹿人將至。其令理藩院尙書阿穆瑚琿往烏拉。朱穆秦。阿達哈哈番馬喇往索倫。

己卯。命將軍巴海留鎮烏拉。副都統薩布素等領兵駐額蘇哩。先是令烏拉寧古塔兵往駐愛琿呼瑪爾。尙未啓行。尋尙書伊桑阿以造船赴寧古塔。上命傳諭巴海等兵抵黑龍江。應駐何地。其詳議以聞。至是巴海等奏言。愛琿呼瑪爾距雅克薩城遠遠。若駐兵及此。則勢分道阻。難于防禦。且過雅克薩有尼布

楚等城。羅剎倘水路運糧。增兵救援。更難爲計。宜乘其積儲未備。速行征剿。況羅剎殺我斐雅喀居民。留糧書而去。俟造船畢度。七月初旬能抵雅克薩。卽親統大兵直薄城下。宜諭招撫。否則駐劄墨克項諸地。卽遣官兵。與奉命赴羅剎甲士宜番。馳至雅克薩宣諭。兼觀其形勢若何。再議進止機宜。令宜番一井奏聞。烏拉官兵乘往馬匹。恐長途疲羸。不任馳驅。索倫邊墨克項。宜令選肥馬五百匹。送呼瑪爾河口。酌量給用。議政王等議如巴海等所請。上諭所議進征羅剎軍務。殊爲疎略。烏拉寧古塔兵未經征戰。不諳行陣紀律。將軍巴海及副都統官兵。又彼此不合。巴海其留守烏拉。薩布素瓦禮祜俱以副都統領兵前往。不必授爲將軍。至所議七月兵到卽行攻戰。亦屬未可。俟抵彼相度形勢。奏請可進之時。京城每旗精簡五十人。參以軍前獲罪人員。委授各關大營領。別遣將由陸路直趨。五旬可達。我兵至冬時攻戰。乃能有濟。若今冬不便克取。來夏令烏拉寧古塔兵仍往彼地。或令撤還。至期約行。又卽坦言取馬蒙古。不能卽得。可選兵部上駟院肥馬二千匹。于本年七月內預發索倫地方牧放。俟禁旅到後。留其羸馬。更以所備肥馬乘往。其傳集郎坦朋春再議。于是議政王等奏。上諭深中事宜。固應祇遵。但前奉暫停攻取相機舉行之旨。尤爲切常。烏拉寧古塔兵。不須往墨克項。勘得愛琿呼瑪爾之間。額蘇哩地方。可以藏船。且有田隴舊跡。卽令大兵建立木城。于此駐劄。宜番回自羅剎。再議派京師兵。或撤烏拉寧古塔兵。至巴海留守烏拉薩布素瓦禮祜統兵以行。及預備馬匹于索倫。悉應遵旨。額蘇哩索倫村莊之間。應設四驛。令赴索倫。理藩院大臣董其事。上報可。

六月甲戌命馬喇等市易牛羊諸物以備軍需。馬喇等奏以茶布市易上諭茶布不必攜往可于戶部支銀四千兩量買諸物馳驛抵彼換取牛羊糧米以備軍需勿得脅制民間各任其便。

七月甲申命軫恤所獲羅刹上諭兵部奏事章京南岱攜至羅刹二人所司加意培養時其飲食毋得缺乏以示軫恤之意。

戊戌命理藩院作書宜諭羅刹先是馬喇等奏索倫總管博克等所獲羅刹及軍前招降者共選五人遵旨送京餘二十六人皆迫于大兵始行投誠索倫距羅刹近不宜久留應一律解至議政王等詔送交戶部安插博克等所獲宜番米海羅莫海對二人賞以衣帽迎至薩布素處放還請敕理藩院作書即令宜番等持去其書略云前遣孟格德等至尼布楚會與爾約各毋收納逋逃并以先年逸去根特木爾歸我乃背前約入我地抗害達呼爾索倫焚劫艾雅喀奇勒爾今故命將出師永駐額蘇哩爾若離我邊境還爾本土以逋逃來歸則已否則我亦納爾逋逃即往來之人亦必擒戮疏入上從之。

九月丁丑命烏拉等處官兵永戍愛琿先是副都統薩布素等奏冬時進征礮具軍糧輸運維艱倘遇大雪亦未使用兵今冬可暫駐額蘇哩俟來年四月冰解即往攻雅克薩城事下議政王等貝勒大臣集議議政王等奏言前奉暫停攻取相機舉行之旨允宜薩布素請于來年四月進征毋庸更議上諭我兵既命永戍額蘇哩應派烏拉事古塔兵五六百人達呼爾兵四五百人于來秋同家口發往設將軍副都統協領佐領等官鎮守深爲有濟至來年運錫伯諸地糧米于額蘇哩止用獵戶必致稽遲薩布素等業

以來年六月前兵食去外。今又停止。應量發薩布素等軍前水手。由陸路直往錫伯。俟來年冰解。與獵戶協運。可否如此施行。令郎坦馳驛速往薩布素等處確議。尋薩布素等奏額蘇哩今年七月既經霜雪。烏拉寧古塔兵家口。若令來秋遷移。恐地寒霜早。諸穀不獲。難以餬口。應于來春就遷移達呼爾兵五百人。先赴額蘇哩耕種。董其秋收。再遷家口。以烏拉寧古塔三千餘兵。分爲三班。將軍副都統等更番統領駐防。議政王等議如所奏。上復諭曰。如果薩布素等所奏。兵丁類事更番。必至困苦。非久長之策。其在愛琿建城永戍。豫備戰具船艦。令設斥堠于呼瑪爾。自愛琿至烏拉置十驛。驛夫各五十人。遇有警急。乘蒙古馬疾馳。尋常事宜。則循十驛以行。由水路陸續運糧。積貯愛琿。此兵旣往。且立之業。仍設將軍副都統領之。如羅剎船山黑龍江下。我興師尾擊甚易。況愛琿地勢遼闊。照內地置十驛。又易安置家口。如此一區畫。則羅剎自窮蹙歸誠矣。其遣理藩院郎中額爾塞至薩布素確議以聞。至是薩等奏永戍愛琿諸務。上諭周詳。悉宜遵奉。但來年遷移。兼以築城屯田。力不能支。請發烏拉寧古塔兵二百人。協力築城。工竣卽回。上諭烏拉寧古塔兵。別有調遣。毋得發往。令副都統穆泰率盛京兵六百人。于來年三月抵彼處築城。器具悉備以行。餘一如前議。未幾兵部列應補將軍副都統人名具奏。上因命薩布素爲鎮守愛琿等處將軍。禮部侍郎溢岱。工科給事中雅齊納爲副都統。

十月甲子。遣官勘視設驛地方。戶部奏愛琿至烏拉須設十驛。但設驛之地。不行相度。難以驛議。應俟來年三月雪消。遣戶兵二部理藩院官各一員。並令寧古塔將軍。選熟知地勢者陪行。就近派郭爾羅斯

二旗杜爾伯特一旗嚮導各二人詳加丈量上允之尋遣戶部郎中包奇兵部郎中能特理藩院郎中額爾塞前往。

十一月癸酉命增造船艦運糧于愛琿。尙書伊桑阿等奏奉命議運糧愛琿事宜。臣等議烏拉造船五十艘除將軍薩布素所發水手一百五十人再派烏拉兵二百獵戶四百俟明年冰解時卽以伊屯口錫伯米每船載五十石并副都統穆泰兵三月坐糧運至愛琿二十四年應運者于前項水手內添發烏拉兵六百運送上諭應增船艦并運二年食糧二十四年不必運送其再行確議以聞又議二年食糧一次全運船五十艘不足應增造三十每船設運丁十五人其需一千二百人除薩布素處所發水手一百五十人再添烏拉八旗獵戶一百九十寧古塔兵三百六十選才能協領等官督運愛琿上從之復諭所發獵戶甚多其令總管特庫轄之前往兵丁獵戶水手各給餉一月。

戊寅命防饗羅刹上諭理藩院曰羅刹增發人衆亦未可料其移文馬喇等加意防禦不時偵探應奏事速行奏聞。

癸未命授投誠羅刹吉禮過里等官將軍薩布素等奏牛滿河之奇勒爾奚魯噶奴等殺十餘羅刹擄其妻子來歸俄樂春之朱爾鑑格等于精奇哩烏拉殺五羅刹并獲其烏鎗馳報又聞斐雅喀之人擊殺羅刹甚衆應乘此時酌給新投誠羅刹吉禮過里鄂佛那西馬克西木等官職舊投誠羅刹宜番鄂爾噶番席圖頒三人效力勤勞亦宜給以官職上諭宜番近已授驍騎校鄂爾噶番席圖頒及新投誠之吉禮

過里鄂佛那西馬克西木俱授七品官其新投誠羅剎內鄂佛那西費禮普令馳驛至薩布素處酌遣招撫時值沴寒并以裘帽賜之

十二月丙辰命運米科爾沁漠爾渾屯上諭大學士覺羅勒德洪等大兵現駐黑龍江所需軍食雖已運送而科爾沁之漠爾渾屯亦宜多備造倉儲積其令戶部理藩院同吏部尙書伊桑阿詳議以聞議于漠爾渾屯運米一萬石存貯其米自包衣屯莊撥給運費于盛京戶部動支工部遣官至漠爾渾屯監造倉米至交彼處都統加意守護上報可

平定羅刹方略卷二

康熙二十三年正月乙酉，命將軍薩布素等遣官兵勦撫牛滿羅刹。薩布素等奏：牛滿羅刹抵恆滾，同來自北海之羅刹，與費雅喀戰，退居河洲。若不速計勦撫，則赫真費雅喀奇勒爾人民必被殘害，且恐羅刹復增發前來。宜乘四月冰解時，即遣夸蘭大二員率官兵三百人，并發紅衣礮四具，令附近恆滾口費雅喀克當阿等嚮導，抵羅刹所據地，先行招撫，不即歸降，則進勦滅。如羅刹聞風先遁，所發之兵，即乘機安輯赫真等處人民，未經來附者，亦招撫之。上報可。

二月辛酉，命送投誠羅刹至京安插。將軍薩布素等奏：夸蘭大鄂洛誠等，今年正月十一日抵羅刹地方，遣番等造其居間諒之，先取其烏槍二十具，并俄樂春留質之子三人，遂招撫羅刹米海羅等二十一人，上命遞送米海羅等至京，交戶部安插。其烏槍及先投誠羅刹之烏槍，一并送至押解官兵過多，恐致騷擾勞苦，令酌量派遣。

四月己亥，命增給愛理官兵行糧。將軍薩布素等請發今年四月後官兵一年行糧，戶部議照前給以半年。俟愛理駐防兵家口到日，停其給發，上諭官兵勞苦半年，行糧全行給發。五月甲申，命將軍薩布素等取羅刹田禾。馬喇等奏：臣至索倫，屢密詢羅刹情形，皆云現在雅克薩尼布潮二城，各止五六百人，其得以盤踞多年者，惟賴額爾古納口至雅克薩十餘處雅克薩至布爾馬夫

河口十餘處築室散處耕種自給。因以捕貂。尼布潮田畝不登。但取資納米雅兒諸姓貢賦。喀爾喀巴爾呼人時販牲畜等物。至尼布潮尼布潮人亦捕貂與之交易。得以生存。至得冷白地方耕種田畝無幾。且不通水路。麪食等物。雖零星負載。亦不足恃。及聞從尼布潮逃回之布赫德云。舊納米雅兒新納米雅兒托空臥兒徹爾克吉兒巴林喀吉兒。今諸兒彼塔噶兒巴牙噶兒等。八姓之人。并我根特木爾黨內逃人。亦同彼遊牧。良河額爾古納河等處。臣請敕喀爾喀徹爾汗收其所部附近尼布潮者。兼禁止交易。再請敕黑龍江將軍水陸並進。作攻取雅克薩狀。因取其田禾。則羅刹不久自困。而伊爾索倫俄樂春諸姓人亦難以竊據。再處量遣輕騎。勦滅似易。上諭據馬喇等奏取羅刹田禾。當不久自困。又侍衛關保來奏。將軍薩布素等亦以取羅刹田禾爲然。則羅刹盤踞雅克薩尼布潮。惟賴耕種。若田禾不爲我所取。誠難久存。其令薩布素等酌議。或由陸路進。或水陸並進。盡刈其田禾。不令收穫。由陸路進。以所刈之禾。投江下流。水陸並進。以所刈之禾。船載以歸。於未進兵時。先遣人傳示羅刹云。爾等據我雅克薩尼布潮。多歷年所。屢令撤退。遷延不去。且收我逃人。侵我邊民。今大兵水陸進剿。爾其速退。以保餘生。并如馬喇等奏。移文徹爾汗知之。

七月辛巳。命將軍薩布素等偵探羅刹情形。馬喇等奏。臣等遣打虎兒副頭目倍勒兒等偵探雅克薩城情形。路過羅刹。殺其二。人生獲一人。據生獲之費要多。羅云。大兵未來之先。雅克薩城已加修造。昨歲聞大兵進發。城外復增木柵。所在懸人。盡調入城內。打獵收貂。亦皆罷止。田禾未熟。卽行刈穫。因今春不

見兵至，遂爲旁口一帶，仍舊遣人耕種。昂古墨阿山頂，設五人更番瞭望。今夏自尼布潮復增發四百人，計見在雅克薩者約九百人。在尼布潮者不知其數。雅克薩設丁壯八十人耕種，以收穫之糧，支給兵食。每月人各一斗。餘悉造房收貯。一遇歉歲，不能如數支給。在前豐歲，僅僅足用。今已增人，諒必不敷。雅克薩舊有船八艘，吉禮過里等運糧前行，被大兵擒獲。故雅克薩無船。大兵未來，於野諾西納城內復造船二百艘，各城派兵運糧。不知兵數多寡，并運往何處。吉禮過里黨內人逃回雅克薩，云大兵勢盛，戰艦絡繹不絕，衆驚失措。今自尼布潮增發人衆，大兵進時，不知時勢若何。又據釋歸之人云，投誠者聖主悉免死，且加恩賞。此外別無人至等語。其生獲羅利，一并解送，疏入。上諭雅克薩增發羅利，或欲侵害我旗人，其移文薩布素等，時加偵探，相機以行。倍勒兒等，理藩院照例獎賞，送到羅利，交戶部安插。

十月甲辰，命運烏喇等處糧米於愛琿。將軍薩布素等請定官兵人數，以便給糧。戶部酌定人數，并奏二年需糧，共計四千八百七十石有奇，以見存四千五百七十石發給，其不敷者，藉愛琿人力，將達呼爾所存米，動支運往。上諭愛琿所須糧，停其自達呼爾運往。將烏喇米九百七十石，見自等色屯轉輸。伊屯門米一千五百石，於明年冰解時，再發船一次運往。

十二月乙巳，命選擇藤牌官兵。上諭兵部，征勦羅剎，所需藤牌官兵，應分遣司員至山東、河南、山西三省，於安插墾荒、福建投誠官兵內，選擇善用藤牌，願行効力五百人，令地方大臣給銀贍其妻子，兼爲整裝遣行。又傳令八旗漢軍、察明福建等處投誠官兵內，善用藤牌，及滾口長刀者，勿論主僕，開列職名，并器

具送部。其在天津鄭克塽馮錫范諸處，亦遣人察取前項人員器具，尋又諭聞福建有雙層堅好藤牌，移文提督施琅，選取四百，并長刀，速送至京，毋誤軍機。

康熙二十四年正月癸未，命都統公朋春等帥師勦撫羅剎。先是將軍薩布素等奏，大兵駐臨邊地，宜水陸並進，取羅剎田禾，俱臣軍糧。自六月初三日，以次運到，給糧治裝，約至初十始將啓行。聞羅剎降人俱言，雅克薩早熟諸禾，彼時暫行收穫，今沂流而上，值霖雨之期，江水泛溢無常，陸路亦復泥濘，縱令疾行，非一月不到，是則取禾無及，徒勞士馬。況城池虛舍，修築未成，迨至回時，正值天寒，難於興作，請暫停今歲興師，俟來年四月內增兵，進取雅克薩城。上諭前馬喇等請取羅剎田禾，朕令或山陸路，或由水路並進，相機舉行，敕諭甚明，及遣關保前往，薩布素亦云可行。如果遵奉，則我師不勞，而羅剎自困。今薩布素等坐失機宜，託故具陳，殊屬不合。且聞羅剎田地肥沃，收穫豐裕，若異時兵抵雅克薩城下，與之相持，又將以羅剎糧多，難於卽克爲辭，久稽時日，其不取田禾，坐失機宜情節，令薩布素明白奏覆。尋薩布素等上疏引罪，議政王等議於事平嚴議。今仍遵前旨，來年乘羅剎田禾時進兵。上命都統公瓦山侍郎果不往黑龍江，與薩布素等詳議，應否攻取雅克薩城，并作何舉行，擇其有裨於事者以聞。至是瓦山等與薩布素會奏，我兵來年四月杪，水陸並進，抵雅克薩招撫，不行納款，則攻其城，倘萬難克取，卽遵前旨，毀其田禾以歸。議政王等議如所奏，復請敕直隸山東山西河南巡撫，每省派熟習火器兵二百五十人，并選賢能官各四員，豫備火器送京師，至日增發薩布素軍前，協攻雅克薩城。上諭議政王等疏內，不請發